

■ PCD GIUVNA DAL GRISCHUN

# Confermà co-presidi e suprastanza

**(cp) La Partida cristiandemocratica (pcd) giuvna dal Grischun ha rendi da curt – sut l'egida da cuss. gov. Mario Cavigelli – ina visita a la Chasa Grischa, la sedia da la regenza grischuna, a Cuira. Suentar èsi stà radunanza generala. Il co-presidi, cun Severin Geissler, Vaz-sut, e Reto Cramer, Surava, è vegni confermà unanimamain. Il medem vala era per la suprastanza da fin qua: Tino Schneider, Cuira, Enrico Blumenthal, Roten, Mattias Fischer, Vaz-sut. Per il demissionant Kevin Brunold è Martin Heisch, Cumbel, vegni elegì. La**

suprastanza è anc vegnida engrondida cun l'elecziun dad *Ivan Marijanovic*, Cuira.

Igl è stà cuss. gov. *Mario Cavigelli* che ha envidà la pcd giuvna dal Grischun en la Chasa Grischa. El ha declerà als commembers impressiunantamain la lavur dal govern. Era ha el gi grond plaschair d'astgar beneventar ses cumpartisans ed als regardar al temp d'entschatta da la pcd giuvna dal Grischun ch'el ha gi confundà e presidià pli tard.

A la radunanza generala è era cuss. naz. *Martin Candinas* stà preschent.

Suentar las tschernas è suandà il rapport annual dals co-presidents. In punct culminant è stada la visita da cuss. fed. *Doris Leuthard* tar il giubileum da 30 onns da la pcd giuvna dal Grischun. Quella haja motivà da s'engaschar vinavant per la partida. En il focus da l'onn proxim statan las elecziuns al cussegl grond. La pcd giuvna dal Grischun vegn a sa preschentar cun giuvnas personalitads che s'engaschan per ils interess da la giuventetgna en las regiuns ed en il chantun. Ins quinta fermamain dad avair success l'onn electoral.



La pcd giuvna dal Grischun cun cuss. gov. Mario Cavigelli (san.) en Chasa Grischa a Cuira.